

BOSNA I HERCEGOVINA  
FEDERACIJA BOSNE I HERCEGOVINE  
09.07.2018.  
01/12-19-6-398-1/18

Poslanik u Skupštini Unsko-sanskog kantona  
Ekrem Prošić

Bihać, 09.07.2018.godine;

Predsjedavajući Skupštine  
Unsko-sanskog kantona  
Gosp.Nijaz Hušić

**PREDMET:** Dopuna dnevnog reda 43. redovne sjednice Skupštine Unsko-sanskog kantona zakazane za dan petak, 13.07.2018.godine, traži se;

U skladu sa članom 52. stav (3) i 53. Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17), u prilogu akta dostavljam Vam prijedlog za dopunu dnevnog reda 43. redovne sjednice Skupštine Unsko-sanskog kantona zakazane za 13.07.2018.godine, kako slijedi:

- 1) Prijedlog Zakona o izmjenama Zakona o plaćama i naknadama u organima vlasti Unsko-sanskog kantona;

#### **O b r a z l o Ź e n j e**

Predloženim izmjenama Zakona o plaćama i naknadama u organima vlasti Unsko-sanskog kantona radi se o usaglašavanju sa Zakonom o državnoj službi Unsko-sanskog kantona („Službeni glasnik Unsko-sanskog kantona“ br.14/7 i 16/17), jer isti ne poznaje kategoriju „zaposlenik“, te je kod rukovodećih državnih službenika došlo samo do promjene naziva radnog mjesta (umjesto „načelnika“ je „pomoćnik rukovodioca organa državne službe i sl.).

Za provedbu predmetnog zakona nisu potrebna dodatna sredstva u Budžetu Unsko-sanskog kantona što je i na propisanom obrascu IFP-NE dostavila ministrica Ministarstva finansija. (Materijal dostavljen poslanicima za 41.redovnu sjednicu). Također, skupštinske komisije su razmatrale materijal i dale pozitivno mišljenje odnosno Komisija za ustavna, zakonodavno-pravna i pitanja evropskih integracija je konstatala da postoji ustavni i zakonski osnov, a Komisija za budžet, ekonomsku i finansijsku politiku je prihvatila predloženi zakon i u istovjetnom tekstu ga uputila u daljnju skupštinsku proceduru.

S obzirom da se ne radi o obimnom zakonu, kao predlagač umjesto nacrtu u skladu sa članom 133. Poslovnika Skupštine Unsko-sanskog kantona predlažem Prijedlog Zakona o plaćama i naknadama u organima vlasti Unsko-sanskog kantona, te predlažem da se isti pretresa po skraćenom postupku bez nacrtu zakona.

Kako se u predloženim izmjenama i dopunama radi samo o usaglašavanju Zakona o plaćama i naknadama u organima vlasti Unsko-sanskog kantona sa Zakonom o državnoj službi Unsko-sanskog kantona, nadam se da će kolege poslanici prihvatiti prijedlog da se isti razmatra a potom i usvoji na zakazanoj sjednici Skupštine Unsko-sanskog kantona.

S poštovanjem,

Prilog: kao u tekstu;

Ekrem Prošić



## PRIJEDLOG

Na osnovu člana 11 b) i n), odjeljka A poglavlja V Ustava Unsko-sanskog kantona – prečišćen tekst („Službeni glasnik Unsko-sanskog kantona“ broj: 1/04,11/04), a u vezi sa članom 63. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“ broj:45/10, 111/12), i članom 48. Zakona o državnoj službi u Unsko-sanskom kantonu („Službeni glasnik Unsko-sanskog kantona“ broj: 14/17, 16/17), Skupština Unsko-sanskog kantona, na \_\_\_\_\_sjednici održanoj dana \_\_\_\_\_2018.godine, donosi:

### Z A K O N O IZMJENAMA ZAKONA O PLAĆAMA I NAKNADAMA U ORGANIMA VLASTI UNSKO-SANSKOG KANTONA

#### Član 1.

U Zakonu o plaćama i naknadama u organima vlasti Unsko-sanskog kantona („Službeni glasnik Unsko-sanskog kantona“ broj: 11/15), u članu 18. stav (2) se briše.

#### Član 2.

U članu 20. riječi „Platni razred III -načelnik osnovne organizacione jedinice“ mijenjaju se riječima „Platni razred III -pomoćnik rukovodioca organa državne službe“.

#### Član 3.

Član 21. mijenja se i glasi:

”  
Član 21.  
” (Platni razredi i koeficijenti za namještnike)

Utvrđuju se slijedeći platni razredi i koeficijenti za plaće namještenika:

Platni razred	Radno mjesto	Koeficijent
I	šef unutrašnje organizacione jedinice (VŠS)	3,20
II	viši samostalni referent(VŠS)	3,10
III	samostalni referent(VŠS)	3,00
IV	viši referent (VKV radnik , SSS)	2,70
V	referent (SSS) KV radnik	2,60
VI	pomoćni radnik - nekvalificirani radnik (NK)	1,85

”

Član 4.

U članovima 22., 24. 25. stav (1), 28. stav (1) i (2) i 30. riječi „odnosno zaposlenik“ se brišu.

Član 5.

U nazivu člana 23. i u stavu (1) riječi „po osnovu posebnih zakona“ se brišu.

Tačka b) mijenja se i glasi:

„b) Ostale poslove, koji se vrše pod posebnim uvjetima rada i visinu dodatka za državne službenike i namještenike koji rade na tim poslovima, utvrđuje Vlada Kantona, odnosno nadležna komisija Skupštine Kantona, svojom odlukom.“

Član 6.

U članovima 26., 27. i 35. riječi „i zaposlenik“ se brišu.

Član 7.

U članu 31. stav(1) riječi „i zaposlenici“ se brišu.

Član 8.

U članu 32. stav (1) riječi „i zaposleniku“ se brišu.

Član 9.

U članu 33. u stavovima (1) i (2) i članu 36. riječi „odnosno zaposlenika“ se brišu.

Član 10.

U članu 34. u stavu (1) riječi „odnosno zaposlenika“ se brišu, u stavu (2) riječi „ili zaposlenika „ se brišu, u stavu (3) riječi „ili zaposlenika“ se brišu, u stavu (5) riječi „i zaposlenik“ se brišu.

Član 11.

(Rok za usklađivanje pravilnika o plaćama i naknadama)

Organi državne službe Unsko-sanskog kantona dužni su svoje pravilnike o plaćama i naknadama uskladiti sa odredbama ovog Zakona u roku od 30 dana.

Član 12.

(Stupanje na snagu)

Ovaj Zakon stupa na snagu osmog dana od dana objave u "Službenom glasniku Unsko-sanskog kantona".

Broj:  
Datum:

PREDSJEDAVAJUĆI SKUPŠTINE  
UNSKO-SANSKOG KANTONA

---